
Strategaeth Gaffael S4C

Dyddiad cyhoeddi: 28 Ionawr 2010

1. Cyflwyniad

- 1.1 Mae'r Strategaeth hon yn egluro'r egwyddorion sy'n gysylltiedig â chaffael nwyddau a gwasanaethau yn S4C, a'r ffordd y mae hyn yn cefnogi'r nodau ac amcanion corfforaethol. Mae cyflawni rhagoriaeth yn berthnasol i weithrediad y Strategaeth.
- 1.2 Nod S4C yw sicrhau gwerth am arian trwy gydlyn gweithdrefnau caffael effeithiol a chadarn. Mae'r rhain yn rhan ganolog i gynnal busnes S4C ac mae dealltwriaeth o'u pwysigrwydd cyffredinol yn ofynnol i bob aelod o staff.
- 1.3 Mae'r Strategaeth yn adeiladu ar yr arfer da presennol ac yn ysgogi gwelliannau pellach yn ein gweithdrefnau caffael, er mwyn iddynt barhau i fod yn berthnasol i'r anghenion busnes. Rhaid rhoi ystyriaeth i gyflawni gwerth gorau, magsimeiddio costau effeithiol, a diogelu cynladwyedd cyflenwyr. Nid ymarfer cost isaf yn unig ydyw.
- 1.4 Mae'r Strategaeth yn gweithio i gefnogi'r Swyddog Cyfrifo yn ei dyletswyddau a'i chyfrifoldebau, ac ar y cyd â Pholisi Masnachu Teg S4C, y Datganiad Polisi Caffael, Gweithdrefnau Ariannol S4C, Cod Ymarfer S4C ar gyfer Comisiynu Cynnwys a'r Polisi Rheoli Risg.

2. Caffael

- 2.1 Caffael yw'r broses gyfan sy'n ymwneud â chanfod, ymrwymo a rheoli'r gwariant ar nwyddau a gwasanaethau, ar draws ystod a gwerth cyfan y gweithgareddau a reolir gan S4C.
- 2.2 Mae ystod y nwyddau a'r gwasanaethau sy'n cael eu caffael gan S4C yn amrywiol. Yn ogystal â chynnwys clyweledol, mae'r elfennau sy'n cael eu caffael yn cynnwys gwasanaethau arlwy a glanhau, cyflenwadau swyddfa, gwasanaethau argraffu, offer technegol a defnyddiau traul, offer TG a defnyddiau traul, hyfforddiant, gwasanaethau cyfathrebu a gwasanaethau adnoddau dynol.
- 2.3 Mae proses gaffael S4C yn cynnwys adnabod a diffinio cwmpas y gwariant, datblygu'r achos busnes ar gyfer y gwariant, diffinio'r dull neu'r ffordd o gaffael yr eitem neu'r gwasanaeth, gweithredu trefniadau caffael cystadleuol, dyfarnu a gweithredu'r cytundeb, rheoli'r cytundeb ac adolygu'r effaith ar wariant.

3. Strategaeth Gaffael S4C

- 3.1 Mae'r Strategaeth yn cael ei harwain gan yr egwyddorion canlynol:
 - 3.1.1 Sicrhau tryloywder, atebolrwydd, cydraddoldeb, effeithlonrwydd ariannol, cysondeb, priodoldeb, effeithiolrwydd a phroffesiynoldeb;
 - 3.1.2 Bod yr holl wariant yn berthnasol i'r busnes ac yn unol â blaenoriaethau strategol;
 - 3.1.3 Bod arfer gorau yn cael ei weithredu ar draws popeth, gan leihau'r baich gweinyddol;
 - 3.1.4 Bod amrywiaeth yn cael ei hyrwyddo a gwastraff yn cael ei gyfyngu.
- 3.2 Gyda'r nodau allweddol penodol canlynol:
 - 3.2.1 Sicrhau gwerth am arian;
 - 3.2.2 Gweithredu prosesau caffael effeithiol a chystadleuol sy'n cydymffurfio â deddfwriaeth berthnasol;
 - 3.2.4 Partneriaeth effeithiol gyda chyflenwyr, gan sicrhau sail gyflenwi sy'n arloesol, gadarn a chynaliadwy;
 - 3.2.5 Datblygu a gwerthfawrogi talent;
 - 3.2.6 Rheoli prosiectau a risg yn effeithlon ar gyfer pob agwedd ar gaffael;
 - 3.2.7 Cyfuno gyda nodau a blaenoriaethau cyffredinol S4C.

- 3.3 Er mwyn cyflawni hyn, bydd S4C yn gyson:
- 3.3.1 yn gwerthuso a gwella arferion caffael presennol i sicrhau gwerth gorau am arian a diwallu anghenion S4C;
 - 3.3.2 adnabod cyfleoedd i ychwanegu gwerth i gytundebau/gwariant;
 - 3.3.3 adolygu prosesau caffael yn barhaol er mwyn eu cryfhau a'u datblygu, gan sicrhau eu bod yn cydymffurfio â chodau a deddfwriaeth berthnasol;
 - 3.3.4 sicrhau bod enghrefftiau o arfer da yn cael eu hadnabod a'u defnyddio'n gyson ar draws y sefydliad;
 - 3.3.5 unioni gweithgareddau caffael gyda strategaethau eraill;
 - 3.3.6 sicrhau bod gweithgareddau caffael presennol ac ar gyfer y dyfodol yn cael eu cynllunio, monitro a'u hadolygu'n effeithiol;
 - 3.3.7 adnabod cyfleoedd er mwyn gweithio gydag eraill, gan adolygu'r cwmpas yn gyson er mwyn maximeiddio maint y prynu a sicrhau costau effeithlon;
 - 3.3.8 ystyried sut y mae S4C yn cynnig budd i'r sector sy'n cyflenwi nwyddau a gwasanaethau, gan gynnal adolygiadau o'r gadwyn gyflenwi o bryd i'w gilydd;
 - 3.3.9 sicrhau bod gweithdrefnau a chyfrifoldebau'n cael eu dogfennu a'u bod yn eglur i bob aelod o staff;
 - 3.3.10 sicrhau bod hyfforddiant a chymorth yn cael ei ddarparu i bob aelod o staff sy'n ymwneud â phob lefel o gaffael;
 - 3.3.11 gweithredu fframwaith rheoli risg effeithlon;
 - 3.3.12 hyrwyddo amrywiaeth a cheisio osgoi gwastraff.
- 3.4 Bydd S4C yn mesur gweithgareddau caffael yn erbyn y Strategaeth hon, gan gynnwys cydymffurfio â Chynllun Iaith Gymraeg S4C.

4. Gweithrediad a Chyfrifoldebau

- 4.1 Mae gweithrediad y Strategaeth hon yn dibynnu ar fframwaith clir ar gyfer y swyddogaeth gaffael, a'r cyfrifoldebau sy'n gysylltiedig â'i gweithrediad.
- 4.2 Mae gan y Prif Weithredwr a'r Bwrdd Cyfarwyddwyr gyfrifoldeb cyffredinol dros ddrafftio a gweithrediad y Strategaeth hon.
- 4.3 Mae'r Strategaeth a'r Polisiâu cysylltiedig yn cael eu cymeradwyo a'u monitro gan Awdurdod S4C.
- 4.4 Bydd yr uned Gyllid yn cynnig cymorth gweithredol ac yn darparu data ac adroddiadau i fesur ei llwyddiant.
- 4.5 Bydd y Prif Weithredwr a'r Bwrdd Cyfarwyddwyr yn gyfrifol am:
- Ddrafftio a mabwysiadu'r Strategaeth Gaffael hon a sicrhau ei bod yn cefnogi polisiâu, nodau ac amcanion S4C;
 - Gynnal arolwg o ddulliau a fframwaith caffael gan sicrhau eu bod yn briodol i'r busnes, a'i fod yn gweithredu'n economaidd, effeithlon ac effeithiol;
 - Ffonitro'r broses o gaffael cytundebau sy'n ymwneud â gweithgareddau sylfaenol;
 - Ffonitro perfformiad gyda'r Strategaeth;
 - Cymeradwyo atodlen ar gyfer y cyfrifoldebau ariannol a chytundebol dirprwyedig ar draws pob gweithgaredd;
 - Rheoli unrhyw risgiau sy'n gysylltiedig â chaffael;
 - Sicrhau bod y canlyniadau monitro yn hysbysu adolygu'r Strategaeth.
- 4.6 Bydd pob rheolwr yn gyfrifol am:
- Oruchwylio'r swyddogaeth gaffael yn eu cyfarwyddiaethau;
 - Hysbysu ac adolygu'r atodlen ar gyfer cyfrifoldebau ariannol a chytundebol dirprwyedig ar draws yr holl weithgarwch yn eu cyfarwyddiaethau;

- Sicrhau bod aelodau o staff sy'n ymwneud â chaffael yn meddu ar y wybodaeth a'r sgiliau er mwyn gallu ei gyfleu'n effeithiol;
- Pan fo hynny'n briodol, gwneud trefniadau rheoli prosiectau ac adnoddau ar gyfer gwasanaethau caffael penodol (e.e. tendrau);
- Hysbysu penderfyniadau mewn perthynas â gwerth am arian, rheoli risg a chytundebau mawr.

4.7 Dylai pob aelod o staff:

- Fod yn ymwybodol o a dilyn y canllawiau caffael sy'n berthnasol i lefel y risg sy'n gysylltiedig â'r nwyddau a'r gwasanaethau sy'n cael eu prynu ganddynt;
- Sicrhau bod gwerth gorau yn cael ei gyflawni bob amser;
- Sicrhau bod pob gwariant yn cael ei weinyddu yn gywir a bod cytundebau a dogfennaeth yn cynnwys yr holl all daliadau;
- Cynnal perthynas gyda chyflenwyr a phartneriaid mewn modd sy'n cyd-fynd ag amcanion S4C.

4.8 Bydd y Cyfarwyddwr Cyllid a'r uned gyllid yn:

- Gweithredu gweithdrefnau monitro a chyfrifo effeithlon ar gyfer gweithgarwch caffael ar draws holl gyfarwyddiaethau S4C;
- Monitro'r dulliau caffael a ddefnyddir;
- Sicrhau bod y data monitro hwn ar gael i hysbysu rheolaeth ac adolygiad y Strategaeth hon.

4.9 Bydd y Bwrdd Cyfarwyddwyr yn adolygu'r Strategaeth hon yn flynyddol, a chyhoeddi Strategaeth newydd bob tair blynedd.